

# 《春秋》讨论稿 I

## 君位继替

赵阳旻，14307130067，计算机科学与技术

2017年4月7日

曷为为继替君位？为宗庙血食也。昔在尧舜，不祭厥先祖父，唯天地山川鬼神是奉。故《舜典》云舜之受命也：“肆类于上帝，禋于六宗，望于山川，遍于群神。”<sup>1</sup> 三代则家天下，祭祀祖宗以明先王之美，故夏有世室，殷有重屋，周有明堂<sup>2</sup>，秦汉则太庙，其意皆在宗庙祭祀。此殆禅让不用之故也。

《鲁颂》云：“春秋匪解，享祀不忒，皇皇后帝，皇祖后稷。”<sup>3</sup> 《左传》君子曰：“礼，经国家，定社稷，序民人，利后嗣者也。”<sup>4</sup> 《中庸》曰：“宗庙飨之，子孙保之。”<sup>5</sup> 此皆言祀乃国之大事也。

是故天子之立，必保宗庙配享，必安子孙社稷，以此定国家也。晋大夫里克之谏献公曰：

天子奉冢祀，社稷之粢盛，以朝夕视君膳者也，故曰冢子。君行则守，有守则从。从曰抚军，守曰监国，古之制也。<sup>6</sup>

<sup>1</sup> 《尚书·舜典》

<sup>2</sup> 《礼记正义·明堂位》明堂，文王之庙。夏后氏曰世室，殷人曰重屋，周人曰明堂。

<sup>3</sup> 《毛诗正义·鲁颂·闕宫》笺云：“皇皇后帝，谓天也。成王以周公功大，命鲁郊祭天，亦配之以君祖后稷，其牲用赤牛纯色，与天子同也。天亦飨之宜之，多予之福。”

<sup>4</sup> 《左传》隐公十一年

<sup>5</sup> 《礼记·中庸》

<sup>6</sup> 《左传》闵公二年

冢子之立，唯社稷是利。立长立贤，唯宗庙是论。

## 1 立嫡长子

昔在殷商，未有嫡长子之立。《殷本纪》录商王世系，兄终弟及<sup>7</sup>，父死子继，未有嫡庶之别也。及至周公救管蔡之乱，克殷人武庚，制礼作乐，分封天下，乃有嫡长子之制，而周宗法生焉。嫡长子继承，其实为礼乐一环，何以知之？

夫礼序天地以节人，乐通天地以发和，由是明尊卑贵贱，此嫡长子继承之缘由也。嫡子，元妃之子也；长子，诸子大者也。故先娶元妃而后娶八女，先有长子而后有诸子。天子诸侯大夫生子，必先有嫡长子，然后有诸公子。且元妃者，后宫也最贵，其子也必尊。等序贵贱，故嫡长子宜继君位。

昔周公观于上古，察殷人兴衰：帝中丁以来，“废適而更立诸弟子，弟子或争相代立，比九世乱<sup>8</sup>”，于是帝河亶甲、帝阳甲之时殷两衰，诸侯不至。此殷人礼乐不善、宗法不严之祸，故周公兴礼乐，立嫡长，意在革除弊病而已。王国维曰：“天下之大利莫如定，其大害莫如争<sup>9</sup>”，此昭周公之意。

尧何不授丹朱以天下？知其不肖也，曰：“终不以天下之病而利一人<sup>10</sup>”，故知病天下为嫡长子继承之一弊。苟即位之不贤，虽以先王之德，犹不能补助。周幽王之戏诸侯，齐襄公之通文姜，卫懿公之好鹤，至于灭身，皆此类也。

且夫大宗未必强也。方其盛时，固能陵夷枝叶；及其衰也，亲属相攻如仇讎。司马迁曰：“厉幽之后，王室缺，侯伯疆国兴焉。天子微，弗能正。非德不纯，形势弱也。<sup>11</sup>”。鲁之三桓，晋之六卿，与此类同。此弊病之二也。

<sup>7</sup>譬如：“帝武丁崩，子帝祖庚立。”

<sup>8</sup>《史记·殷本纪》

<sup>9</sup>《殷周制度论》

<sup>10</sup>《史记·五帝本纪》

<sup>11</sup>《史记·汉兴以来诸侯王年表》

## 2 立贤子

故何不立贤？周大夫富辰之谏襄王也：“大上以德抚民，其次亲亲以相及也。昔周公吊二叔之不咸，故封建亲戚以蕃屏周。<sup>12</sup>”鲁穆叔之对范宣子也：“大上有立德，其次有立功，其次有立言，虽久不废，此之谓不朽。<sup>13</sup>”褚少孙之答张夫子曰：“黄帝策天命而治天下，德泽深后世，故其子孙皆复立为天子，是天之报有德也。<sup>14</sup>”故知太上立君以贤德，其次依宗法，故伊尹曰：“常厥德，保厥位<sup>15</sup>”。《公羊传》、《谷梁传》成隐公之意者，章其德而贬桓公也。

## 3 让国

奈何人非生而知之者，孰知人之善恶愚智贤不肖。昔宋宣公之让国穆公，《左传》褒之曰：“殷受命咸宜，百禄是荷。<sup>16</sup>”《公羊传》贬其为宋之祸<sup>17</sup>。吴季札之三让国也，《公羊传》褒之：“以其不受为义，以其不杀为仁。<sup>18</sup>”是二君皆有让国之美，然而愚智异变，褒贬相反，何也？为其有无利于宗庙社稷而已。

宋穆公之让国也，其与鲁隐公同。宋穆公欲昭宣公之令德，鲁隐公欲成先君之意，皆自以为摄政之君，是故让国。然而二子不察其所失，不见公子冯之祸心，不知公子允之猜忌，前者致宋乱，后者遭杀身。隐公虽为弑，始终社稷安稳；与夷之死也，陷宋宗庙危乱。故宣公穆公为《春秋》讥贬，而隐公犹有怜惜也。

<sup>12</sup> 《左传》僖公二十四年

<sup>13</sup> 《左传》襄公二十四年

<sup>14</sup> 《史记·三代世表》

<sup>15</sup> 《尚书·咸有一德》

<sup>16</sup> 《左传》隐公三年。杜预注：“《诗·颂》言殷汤、武丁受命皆以义，故任荷天之百禄也。帅义而行，则殇公宜受此命，宜荷此禄。公子冯不帅父义，忿而出奔，因郑以求入，终伤咸宜之福，故知人之称唯在宣公也。殷礼有兄弟相及，不必传子孙，宋其后也，故指称《商颂》。”

<sup>17</sup> 《公羊传》隐公三年。何休解诂：“言死而让，开争原也。缪公亦死而让得为功者，反正也。外小恶不书，录渴隐者，明诸侯卒，王者当加恩意，忧劳其国，所以哀死闵患也。”疏：“言后人见其死乃让己，疑非诚心至意，是以还让其子，终致后祸，故曰开争原也。其缪公之功，即桓二年冯弑君是也。哀死者，即慢之属是也。闵患者，隐之是也。”

<sup>18</sup> 《公羊传》襄公二十九年。何休解诂：“故大其能去，以其不以贫贱苟止，故推二事与之。”疏：“言由其能去之，故君子与之。”

吴季子之让国则不然。季子之让谒、馀祭、夷昧，悌也，且合乎礼；为闾庐弑君而不受国，义也，且不杀为仁。故虽庶子代嫡子，吴终于不乱，宗庙得保，季子之功也。《谷梁传》曰：“《春秋》贵义而不贵惠，信道而不信邪。<sup>19</sup>”故褒吴季子，褒仁义也，能利社稷；贬宋宣公、鲁隐公，贬小惠也，不能守宗庙。故隐与宣可轻千乘之国，惟季子可以蹈道。

夫授国者有所不察，受国者阴行不轨。故固不知其善恶愚智贤不肖也，将如何损益宗庙。周公作礼乐，其意在禁于未然之前。故曰“君子大居正<sup>20</sup>”，意在斯乎。

---

<sup>19</sup> 《谷梁传》隐公元年

<sup>20</sup> 《公羊传》隐公三年。何休解诂：“明修法守正，最计之要者。”疏：“言由是之故，君子之人大其適子居正，不劳违礼而让庶也。”